

Arubaanse Courant

ANJA 27

Diasabra 17 di December 1966

No. 8031

Den futuro mester bini mas

ENFASIS RIBA STATUS AUTONOMO DI ANTILLAS DEN ESTRANHERIA

WILLEMSTAD - Antayera Statuutdag a ser celebra pa 12 biaha riba nos isla, y e celebracion oficial a cuminsa dies'or di mainta cu e reunion extraordinario di Staten.

Anteriormente e celebracion aki tabata marca pa e ceremonia na e Monumento di Autonomia na Nieuwe Haven, pero en vista di qu awaserru durante ultimo añan tradicionalmente tabata cai riba e fecha aki, a bira costum-

ber qu e ceremonia aki ta tuma lugar den sala di Staten, den presencia di autoridadnan militar, esclesiastica, consular y di representantenan di sector industrial y comercial riba nos isla.

Presidente di Staten, señor O.R.A. Beaujon, den su segundo reunion como presidente di colegio representativo mas haltu di nos pais, a declara den su discurso di orden, qu ta tipicamente Antillano, qu e reunion aki ta tuma lugar den sala di Staten, pasobra aunque ta conoci qu casi nunca awaserru no ta cai riba nos islanan, riba Statuutdag awaserru ta cai sigur.

Sinembargo, asina el a continua, e sala di Staten tambe ta cuadra perfectamente pa e ceremonia aki pasobra si door di construccion di e monumento na Rijkseenheidboulevard, nan a expresa materialmente e loque Statuut a duna nos, pero ta den e salanan di Staten, qu e letranan secu di Statuut a bira realidad.

E autonomia, igualdad y asis-



Dr. E. Jonckheer durante su discurso antayera mainta den Staten...

tencia mutuo, qu ta e tres principianan riba cual Statuut ta basa, a crece fuertemente den nos terra.

Papiando riba nos posicionen e area di Caribe, señor Beaujon a declara qu ta necesario pa nos mantene nos al tanto di loque ta sosode den nos vecindario.

Mencionando e cambionan constitucional qu a tuma lugar na Jamaica, Trinidad y Tobago, y Barbados, señor Beaujon a declara qu e status politico qu nos pais a scoge ta diferencia for di e paisnan menciona, pero nos no ta sinti e forma aki ta perta nos y ta permiti nos tur libertad na momento di atende nos asuntunan.

RELACIONAN CU OTRO PAISNAN

Solamente un punto e presidente di Staten a menciona específicamente, y ta esun di nos relacionnan pa cu otro paisnan. E punto aki a ser menciona caba door di Minister President den e declaracion di gobierno di dia 7 di December ultimo.

"Mester ta posibel pa haña un solucion", asina señor Beaujon a continua, "pa elimina tur malinterpretacion qu ta existi tocante di nos posicion politico den estranheria. Mi kier expresa e confianza, qu ora nos ta conmemora e proximo dia di Statuut, qu nos lo a logra resultadonan concreto tocante di e asuntu aki".

"Si e condicionnan constitucional y politico no ta motibu di gran preocupacion na Antillas, esaki ta contrario pa loque ta nos problemanan economico.

"Nos ta bibando momentonan economico difícil y tur hende mester uni nan forza pa sobrepasa e problemanan cu ta consecuencia di e dificultadnan aki y no solamente gobierno tin un tarea al respecto, sino tambe e lidernan industrial y lidernan di bondnan laboral."

Mencionando e problemanan cu cual nos pais ta ser confronta concretamente, señor Beaujon a muestra riba e crecimiento anual di nos poblacion, continuacion di automatizacion na companianan grandi, e porcentahe relativamente abao di ganashi cu ta ser re-inverti den nos pais y e interes creciente di creditoran.

Tur e cosnan aki ta problemanan cu nos mester combati conhuntamente.

Papiando concretamente riba nos asociacion cu EEG, señor Beaujon a declara qu ta poco lamentable qu sector industrial di Hulanda a muestra asina poco interes pa establece industria na Antillas, Sinembargo e ta spera qu e compania di inversion qu a caba di ser funda lo trese cambio den e situacion aki.

EXCEPCION FAVORABLE

Un di e excepcionnan favorable riba henter e situacion aki ta e fomento di turismo y e construccion di hotel qu ta tumando lugar actualmente. E desarollo aki ta bal un felicitacion.

Cont. riba pag. 2

BEBE.



Nunca E ta Varia

Do you keep
reaching for taste
that's not really there?

Camel's real taste satisfies longer!



The best tobacco
makes the best smoke!

Camel smokers know it. The rich, full
taste of Camel has never been equalled.
There's nothing in the way. No tads.
No fancy stuff. Just good taste through
and through. Camel has the real taste
every smoker wants!

Get with Camel... a real cigarette!



GRANDIOSO CONCURSO
PARTICIPA DEN E GRANDIOSO CONCURSO DI
N.V. WARENHUIS VAN DER REE
/LA VICTORIA


Durante lunanan Augustus, September, October, November, y December 1966 y gana un di e famoso auto.

AUSTIN MINI SUPER DELUXE
Cu cada compra di f. 10,- of mas bo ta ricibi un formulario pa participa. Mas formulario bo entrega mas chance bo tin pa gana e bunita auto.

AUSTIN MINI SUPER DELUXE
Bin mira e auto AUSTIN MINI den nos pacus, y no perde tempo pa tuma parti den e Grandioso concurso aki.
Resultado ta ser anuncia dia 31 di December 1966 pa 4' or p.m.

LP GAS

Rápido, Hygienico, Economico!

Cambia  **PA GAS**

Pa más bentaha, semper mira pa bo tin un cylinder di spare, y order un nobo delantá.

ARUBA GAS SUPPLY CO.
Tel. 1198 y 1898

ABONA RIBA ARUBAANSE COURANT

ENFASIS RIBA....

Cont. di pag. 1

DESEMPLEO

Atencion, especial, e presidente di Staten a pidi pa e desempleo reinante especialmente entre hubentud. Di un manera of otro mester por canalisa nan energia, pasobra si e no ser canalisa utilmente, lo e expresa su mes di un manera destructivo contra comunidad. Cooperacion entre gobierno, industrialnan y bondnan laboral mester por trese un solucion den e sector aki. Finalmente senyor Beaujon a

declara qu pa soluciona tur e problemanan aki y amplia e base economico di nos pais, mester di bista pa futuro, combina cu honestidad, sinceridad y cumplimiento fiel di nos compromisonan. Senyor Beaujon a declara di tin sigur qu sin e calidad aki un pueblo ta muri pero e tabatin sigur qu e personanan qu den Staten, Gobierno y sector priva ta yama pa actua como lidernan, ta posee e calidadnan y qu nan lo hasi tur loque ta posibel pa fomenta bienestar di nos pais, na beneficio di nos pueblo".

Discurso di Dr. Jonckheer den Staten riba Statuutdag

WILLEMSTAD - Den e discurso qu minister presidente Dr. E. Jonckheer a tene den Staten antayera mainta na ocasion di e conmemoracion di dia di Statuut, el a toca algun punto di fundamental importancia pa futuro desarrollo economico y politica di nos pais.

Primeramente minister presidente Dr. Jonckheer a recorda riba e declaracion qu el a duna aña pasa, dia 15 di december, tocante e tendencia qu tabata reina na Hulanda pa duna Antillas Neerlandes independencian total, situacion necesario, contra boluntad di e pueblo aki.

Aña pasa caba minister presidente a yega di declara qu pueblo di Antillas no tin ningun sorto di interes pa continua su existencia autonomo pafor di Reino Hulandes.

Un aña a pasa y e diferente acontecimentonan qu a tuma lugar den e paisnan qu a obtene

nan independencian, a muestra nos qu actualmente independencian total lo no trese e solucionnan qu nos ta spera di dje.

Sin embargo, asina minister presidente Dr. E. Jonckheer, a continua, den e añanan qu a pasa, nos a ripara, qu ta necesario pa enfoca e posicion autonomo di nos pais mas fuerte den e estranheria.

Den hopi pais ainda no tin suficiente conocimiento y comprension di e posicion constitucional di Antillas Neerlandes.

Y ta pesey ta deseable pa busca huntu cu Hulanda y Surnam e manera mas adecuado pa materialisa esaki. Si ta necesario cam bia Statuut pa logra esaki, anto gobierno Central ta confia qu lo e por conta cu cooperacion di e otro partnernan den Reino.

E hecho qu nos posicion constitucional autonomo no ta ser

compronde den e estranheria, por influencia nos bienestar economico negativamente.

POLITICA DI AVIACION

Otro punto di cardinal importancia qu minister presidente Dr. Jonckheer a trata den su discurso ayera tabata e recordatorio qu dia 8 di januari proximo, Antillas Neerlandes, lo por hiba su propio politica di aviacion.

Di e manera aki lo bira posibel pa mediante un politica di aviacion sano, contribui mas ainda na fortalecimiento di nos base economico, aparte di que competencia nobo aki lo acentua mas fuerte ainda e posicion constitucional di nos pais den e estranheria, y en especial pa cu e paisnan bisfia.

Tambe Dr. Jonckheer a expresa gratitud pa e apoyo y asistencia qu nos a hafia serca Hulanda den nos esfuerzonan pa mehora nos economia.

Despues di a muestra riba e necesidad di yega na un cooperacion

Diamars anochi presidente Dr. Leoni a decreta suspesion di garantianan constitucional, ora e campafia terrorista na Venezuela a ser intensifica.

VARSOVIA -- UPI -- E general Paul Otto Geibel, di e tropa di asalto Nazi, y quende su fornan a domina e rebelion polaca na 1944, a comete suicidio den cel di prison local segun a ser informa.

DEPARTEMENT SOCIALE- EN ECONOMISCHE ZAKEN

Vacature voor machinist

UNDP/CARIBBEAN FISHERY DEVELOPMENT PROJECT

GEVRAAGD:

Machinist voor het visserij-opleidingsschip "FREGATA":

VEREIST:

Diploma motordrijver of tenminste gelijkwaardig diploma en bevoegd dieselmotoren van tenminste 180 p.k. te bedienen, onderhouden en repareren en ruime ervaring hebben als zodat Sollicitanten zonder het vereiste diploma moeten minstens 5 jaar recente ervaring hebben als machinist aan boord van schepen met een dieselmotor.

Zij die in het bezit zijn van diploma genieten voorrang.

DIENSTVERBAND 3 JAAR

SALARIS:

N.A. fl. 558,-- per maand vermeerderd met N.A. fl. 3,80 voor iedere dag op zee.

Sollicitanten kunnen zich aanmelden vóór 20 december 1966 op onderstaande adressen:

Curacao: Dept. Sociale en Economische Zaken, Bargestr. 53:

Aruba: Dept. Sociale en Economische Zaken, Arendstr. 1. Oranjestad.

Bonaire: Afd. Sociale en Economische Zaken, Bestuurskant, Kralendijk:

Bovenwindse Eilanden: De heer Gezaghebber van het Eilandgebied de Bovenwindse Eilanden, St. Maarten.

PROFESOR MERICANO A RECUPERA SU LIBERTAD.

CARACAS -- UPI -- George Kapo, un profesor norteamericano di Universidad Central di Venezuela, a recupera su libertad ayera merdia, despues di a pasa un dia y un anochi den prison.

E instructor, quende ta biba na Caracas for di 1964, a ser liberado ayera mainta despues qu nan

a detenele diarason mainta, y segun e mes a declara "solamente pasobra mi tin un barba".

E profesor di ingeniera, di 28 di edad, a ser detene den su casa banda di e universidad door di un di e polisnan militar qu ta rondona e institucion aki, como parti di e campafia di gobierno pa pone fin na e actividadnan

mas estrecho cu Surnam, Jonckheer a menciona tambe e ampliacion di e cooperacion cu otro paisnan den Caribe.

Finalmente Dr. Jonckheer a corda e expresionnan qu e anterior presidente di Staten a menciona aña pasa, ora qu el a bisa "qu ora nos pueblo expresa mes claramente den e proxima eleccion, por cuminsa un periodo di cooperacion y comprension na bienestar di nos pais".

Pueblo a expresa su mes e periodo qu a pasa y e reserpanza di gobierno di qu e tado di e eleccion a fortifica fuersonan qu ta ser hasi pa hora e situacion economico nos pais, finalmente por durar resultado favorable.

Y ta pesey Dr. Jonckheer termina su discurso, haciendoyamamentu mas riba tur per na qu kier Antillas bon, pa gobierno Central positivament den e esfuerzonan pa drecha situacion economico di nos pais.

Cu e discurso di minister presidente e reunion extraordinaria di ayera mainta a yega na su

AUTONAN MODELO 1967

Awor na Show

OLDSMOBILE

PONTIAC

VAUXHALL
VAUXHALL VICTOR - ESTATE WAGON - VAUXHALL VIVA

Chikito of Grandi

E CALIDAD TA INIGUALA Y E PRIJS TA
INCOMPARABLE

pasa na

N.V. WINKEL'S HANDEL MAATSCHAPPIJ

BERNHARDSTRAAT

SAN NICOLAS

Manera Saldienchi na Blekkie.....

Pa Tom TIEDE.

NA LAMAN CU JAMES K. POLK
NEA - Cada un paar di luna,
tripulante na bordo di un sub-
marino nuclaer ta hanja orden
desaparece for di riba mundu.
Durante di ocho siman di ser-
vicio na laman, nan no ta bini

riba di laman ningun momento,
ningun ora nan no ta toca na ter-
ra, nan no sabi nan posicion.

CUARTONAN PERTA...ta un ex-
presion facil pa esnan cu ta den
servicio di submarino. E miembro
nan di tripulacion mester sinja
comprende otro liher pa nan por
traha huntu.

ni tampoco nan destino y nan
no tini comunicacion cu ningun
hende ni ningun nacion di mundu.
Pero nan ta bisa cu tur esey
ainda ta facil.

E verdadero prueba di e 60 dia-
nan bau di laman, ta e hecho
cu e tripulantenan no tini sufi-
ciente lugar pa haci ningun sorto
di ejercicio.

Bida di e tripulantenan bau di
awa ta manera saldinchi den ble-
ki. Tur homber ta enlata cu e
oteronan durante di 24 ora pa dia.
Ningun hende ta feita, respu, gra-
wata, of supla su nanishi, sin ta
completamente na altura cu di cap-
tan pa abau tur hende ta weta
y sabi kiko e ta haciendo.

Camanan ta tres riba otro y
solamente 22 inch for di otro.
Hanchinan ta asina smal cu e
nabegantenan mester hala patras,
of frega barica contra di otro si
dos di nan tin cu pasa. W.C. nan
ta parce manera celnanditefon
y no ta ofrece ningun sorto di
privacy. Espacio ta asina limita
cu ta solamente carni sin wesu
ta ser warda den e freezernan.

No ta e vapor no ta suficiente-
mente grandi, E ta 425 largu y 33
pia hanchu.

Pero prioridad ta ser duna na e
armanan nuclear y no na hende.
Asina ta cu no tini ningun lugar
y ningun chance pa bo ta so.

"Qui ora cumi saak abau pa ma-
ra mi vitternan", un nabegante
ta bisa hari, "Mi ta dal mi ca-
bez contra di un hende suatras.

Pero esaki no ta nada. Despues di
algun siman bo ta custumbra cu
bo tin cu come cu bo elleboog-
nan contra di bo curpa y drumi
cu bo atras ta sali riba gang.....
y ta asina tur hende ta keda

bon amigu."
"Bon amigo"

"Nunca mi no a weta un pelea
bordo di barcu ainda."

"Ningun?"

"Ningun a lo menos caminda
moketa a cay".

Que hubo di pleitamentu?

"Algun. Pero generalmente ta
asina cu un tercio mester por
get along cu e sobra miembro-
nan di e tripulante, of e no ta
haci wesu bieeuw.

E politica aki mester ser sigi
bordo di tur submarino, pero
especialmente bordo di un Pola-
ris. Cu 16 arma nuclear na bor-
do den e parti di mei mei di e
bapor, e comportacion di tripu-
lacion ta di vital importancia. Y
aunque cu pa lansa un di e pro-
yectonan aki di mala fe, lo mester
di cooperacion di tur e miem-
bronan di e tripulacion, toch
mester tene cuenta cu te hasta
e posibilidad remote aki.

Asina pues cu e personal di un
submarino nuclear ta ser scogi
cu masha cuidao pa parti di Ar-
mada Americano. Tur esfuer-
so (menos duna nan nan retiro) ta
ser haci pa tene nan contentu.

Formalidad abordo di vapor
practicamente no ta existi. Nan
ta cobra 55 dollar extra pa luna.
Nan ta hanja 30 dia di vacantie
asina nan regresa for di tur
viaje. Y tin jukebox, shuffleboard
y otro facilidatnan abordo in-
cluso cuater cuminda pa dia).

"Manera bopor weta", e miem-
bro di tripulacion, Milton Pope
ta splica, "ningun hende tin ma-
sha rason di ta malcontentu. Ta
un bon trabau e cosaki. Hendenan
cu mal beis simplemente no me-
ster busca trabau aki."

Pope, un ayudante di e koki tin
37 anja y ta prueba palpable
di e camaradia cu tini na bordo.
E ta un homber di color y na-
tivo di Alabama.

Di manera cu e
ta custumbra cu tur sorto di dis-
putan social pero e ta insisti
cu e no ta hanja ningun sorto di
discriminacion bau di laman.

"Mi tin 16 anja cu mi ta bordo di
submarino pero mi no por corda
cu nunca mi tabata tinnungun difi-
cultad abordo.

Nunca mi no a ten-
de ningun hende ta cuchicuchi-
tras di mi lomba.

Nada. Mi ta
haci mi trabau y e otro tercionan
ta haci di nan. Mi tini amigunan
di color y amigunan blancu abor-
do."

"Na terra de vez en cuando mi
por hanja por dificultad, manera
den un bar. Pero na laman no.

Nunca ningun hende no a bisa mi
nada anti-patico aki for.

Y mi no
ta kere cu nunca nan lo hacie
tampoco."

Tin masha hopi chance cu Po-
pe tin rason. Hendenan cu idea-
nan di superioridad no ta wanta
masha den e fraternidad di baudi
laman.

Y esaki ta bon, pasom-
bra si algun dia lo tin un brin-
gamentu abordo, esaki por resul-
ta un problema serio, pasombra
no tin ni lugar pa e bringadonan
cay.

Abona
Arubaanse
Courant.



PAGINA DEPORTIVA

PRESENTA

PA:



RINDT TA CORRIENDO DURO PA ALCANSA EXITO

Pa Dave Burgin.

NASSAU, Bahamas - NE A -- Jimmy Clark ta un hombe ketu. Pues ora cu e bisa algo, tur hende ta scucha.

Jimmy Clark, e corredor mas fantastico di mundo, ta bisa cu Jochen Rindt, ta un homber cu mester ser observa.

"Rindt ta e corredor hoben di mas mihor cu tin actualmente." Clark a bisa, despues di gana e Gran Premio Wadkins djies un poco prome cu race.

"E ta indudablemente uno di e siete a 8 corredornan di Gran Premio".

E testimonio di Clark importante den e mundo grandi di Gran Premio pa dos rason:

Di repente anja pasa den e circuito di Gran Premio, tabatin un escases di talento hoben, principalmente, pasombra hopi chauffernan hoben no tabata por a hanja e equipo pa por a ataca esnan manera Clark, John Surtees, Jack Braham, Dan Gurney y Graham Hill.

Por parse raro, pero tabata como si fuera, cu e carredanan di Gran Premio tabata exclui tur nacionalidad otro cu ingles, americano y italiano. Rindt ta nativo di Austria.

"Ora cu mi a cuminsa ta stuur sincu anja pasa, "Rindt di 24 an-



JOCHEN RINDT

ja edad ta bisa, "Mi no tabata por a hanja e mihor equipo cu tabatin y pesei mi no tabata por a participa den e mihor carredanan. Mi tabata sa cu mi ta bon, pero mi tabata kier ta ainda mas mihor, asina ta, cu e cos natural cu mi tabatin di hasi tabata di bai Inglatera. Bo mester tin coneccion na Inglatera cu e bon tiponan di chauffeur e bon donjonan di autonan di carreda y tambe e bon mecanico cu bo tin intencion di logra algo. Mino ta kere cu e inglesnan ta tratando di tene e otro nacionalidad for di e mundo di carreda. Ta simplemente cu na Europa, Inglatera ta e

pais cu ta number uno den corremento di auto.

"Tur hende sa cu mester tin competicion si e carredanan di Gran Premio ke sobreviví.

E adelanto cu tin na Merca riba e terreno aki ta grandi, pero lo dura ainda basta anja prome cu nan ke yega top.

"Awor lo ta bon si otro paisnan tambe cuminsa. Alemania Occidental, algun di e paisnan di suramerica, por ta Hapon awor cu Honda ta hasiendoprogresoyami tambe y mi ta spera cu lo tin mas".

Otro anja, Rindt ta un homber cu mester ser observa, pasobra lo e tin equipo di primera clase. Lo e ta bai stuur un Cooper-Maserati cu a ser designa di nobo y cu den e carredanan di prueba a demostra di ta un auto cu hopi capacidad.

Na Nassau el a test e volkwagen Formula V nobo y a gana facilmente. Rindt pronto lo sali pa Sur Africa pa e prepara su mes pa e Gran Premio di Sur Africa cual lo tuma lugar dia dos di januari.

Dan Gurney a firma Rindt pa stuur un di su American Eaglesnan na Indianapolis dia 30 di mei proximo.

Mi ta prefera di gana e campeonato mundial, "Rindt a bisa, "pero Indianapolis ta algu cu ta fascina tur europeo y mi tin gana di weta loke mi por hasi ei.

PERISCOPIO MUNDIAL

Coppolino no ta culpabel

FREEHOLD, N.J. - Dr. Carl A. Coppolino, ayera a ser declará inocente den e huicio qu tabatin contra dje pa presunto asesinato di su amigu y bisña, teniente coronel William Farber. Sin embargo, Coppolino, ta ser acusa di a mata su promer casa tambe na Sarasota, Florida y na februari di otro aña lo e mester presenta dilanti di hues na Florida.

Terrorista asesina na Caracas

CARACAS -- Un patrulla militar a cuminsa tira contra un grupo di terroristanan y nan a mata un homber qu tabata ser acusa di ta un dirigente guerrillero qu a hanja su training na Cuba. Esaki ta e promer terrorista qu soldanan a mata for di dia qu presidente Leoni a suspende e garantianan constitucional na Venezuela, dunando forzanan policial y militar man liber pa caba cu e creciente ola di terrorismo den e pais.

Jack Ruby ta sufri di cancer

DALLAS -- E dokternan qu ta atende Jack Ruby a declara awe qu e center di e cancer di cual e ta sufri ta na su pulmon of na su pancreas y mesora nan a cuminsa cu e tratamentu quimico pa stop e desarollo di e efermedad.

Nan a pasele un angua di e droga 5-Fluorouacil. Diabierne ultimo nan a hiba Ruby hospital Parkland, caminda presidente Kennedy y Lee Harvey Oswald a muri, pa nan examinele en vista di e dolornan qu e tabata sinti ba su pachu.

Durante di e examen aki nan a descubri qu e tabata sufri di cancer.

Victor Andres Belaunde a fallece

LIMA -- Den tur sector e fallecimiento di e hefe di e delegacion di Peru na Nacionnan Uni, Victor Andres Belanunda, a cuasa profundo tristieza.

E diplomatico tabata tio di presidente di Peru, Fernando Belaunde Terry y tabata un tempu presidente di Asamblea General di e organizacion mundial. For di trempa el a inicia su carrera diplomatica. Presidente Johnson a ofrece su avion personal pa transporte e restonan mortal di Dr. Victor Andres Belaunde pa su pais natal.

Prensa Mexicano ta acusa Cuba

MEXICO -- Awe prensa di Mexico a acusa Cuba concretamente di ta responsabel pa e actonan di terroristanan qu a bini ta tuma lugar na Venezuela. E asesinato di un mayor di ehercito y e ataque contra un general na Caracas, a tuma lugar hustamente algun dia despues qu un revista na Mexico City a publica un articulo den cual e tabata bisa qu e guerrillanan antigubernamental venezolano "apenas a cuminsa bira activo atrobe".

Terroristanan a mata otro militar.

CARACAS -- Un teniente di forzanan arma qu tabata cu pensioen a ser asesina awe door di terroristanan den e promer atentado contra un militar. Esaki ta e promer atentado qu a tuma lugar contra un militar for di dia qu presidente Raul Leoni a suspende e garantianan constitucional pa enfrente e ola nobo di terrorismo pro-Castrista den e pais.

E ex-oficial identifica como Barreto Menden, a muri instantaneamente ora cu cuater homber cu mascara riba nan cara a drenta den su cas den e barrio del Este na Caracas y a tirele di serca.

Walt Disney a muri ayera mainta

HOLLYWOOD -- E productor cinematografico y famoso dibuhante Walt Disney a muri ayera na edad di 65 anja. Su morto a tuma lugar ayera mainta cuartu pa dies den e hospital di Saint Joseph na Burbank, caminda nan a hibelega un examinacion despues di un operacion cu nan a practica riba dje dia 21 di november ultimo. Durante di e operacion ey, nan a saca un pulmon den cual dokternan a hanja un tumor.

Experimento di tres dokter ruso

MOSCU -- Pedazonan di piel di tres dokter sovietico a ser transporta den un nave espacial cu e rusonan a lansa den pasado den espacio cosmico y ora cu e vehiculo a regresa terra, nan a boibe pega nan na curpa di e dokternan. E organo oficial di sindicatonan ruso Trud a declara cu finalidad di e experiencia aki tabata pa determina e efecto di rayonnan cosmico riba sernan humano. E prueba aki a tuma lugar promer qu Yuri Gagarin a ser lansa den espacio dia 12 di april 1961.

Izvestia y sindicato di crimen mericano

MOSCU -- Segun e diario izvestia a anuncia, Mafia y e sindicato di crimen di Merca, ta poniendo nan base den e barrio aristocratico Mayfair na Londres a fin di controla e weganan di casino na Gran Bretaña.

E corant ta scirbi qu cien hungador di placa notorio di Merca a yega Londres recientemente a fin di logra nan proposito.



Riba e foto aki por mira e grupo di aguinaldos Los Pajaros durante nan exitoso actuacion antajera mainta riba plenchi di Ontvanger na Punda.



E punto punctual riba e programa pa dia di Reino (Statuutdag), manera tur anja, tabata e acto na conmemora e introduccion di e Statuut dilanti e monumento di Reina Wilhelmina na Wilhelmina Park. E acto a ser dirigi pa Sr. Nicolas Piña-Lampe y tabatin discursonan di Gezaghebber interino, sr. Isaac de Cuba y di ministro F. Tromp y ofrenda floral di hasta di gobierno insular i diferente instancia riba e isla. Na e ceremonia aki, cooperacion a ser duna pa e marinieran di Savaneta tambe y e

blaasband di Y.M.C.A. Den oranan di atardi, tabatin un concierto pa blaasband di YMCA y "The Strangers" riba J.E. Irausquin-plein, y cual concierto a continua den oranan di anochi banda di postkantoor na San Nicolas. Tambe en relacion cu e conmemoracion aki, un programa cultural a ser presenta na television en cooperacion cu e departamento di cultura y educacion. E foto aki riba ta mustra e momento cu Gezaghebber interino de Cuba tabata pronuncia su discurso.



Bao di gran interes pa parti di invitadonan, Gezaghebber interino sr. Isaac de Cuba a efectua Diahuebs anochi 6.40 e apertura oficial di Manchebo Beach Hotel, e hotel turistico mas nobo di Aruba. Prome cu e apertura, e presidente-director di Manchebo sr. H.J. Mensé a jama e invitadonan bonbini y a gradici tur instancia cu a duna nan cooperacion y confiansa na e hotel, en especial gobierno di Aruba cu a juda na tur momento. Sr. de Cuba a expresa cu ta cu placer el a acepta e invitacion pa efectua e apertura. El a sigui bisa cu e realizacion di e hotel a caracteriza su mes pa e bon cooperacion entre un iniciativa particular y gobierno. Despues di e apertura tur e invitadonan a pasa p'aden, a felicita e dirigentenan dje hotel cu e inauguracion. E dirigentenan, y tambe e personal di Manchebo, Beach Hotel luego a percura pa tur e presentenan a pasa un rato masha agradable den e hotel nobo aki. E foto ta mustra sr. de Cuba na palabra y den fondo e dirigentenan dje hotel y nan esposanan.



Aki riba nos ta mira e presidente director di Manchebo Beach Hotel sr. H.J. Mensé, na robes y vice presidente Sr. Fokker-Hamminga ricibiendo felicitacionnan di e invitadonan despues di apertura dje Hotel.



TERRITORIO INSULAR DI ARUBA

Gezaghebber di Territorio Insular di Aruba ta participa cu en coneccion cu cambiamentu di aña durante e periodo di 27 di December 1966 te cu dia 2 di januari 1967 no tin mester di permit pa tiramento di fuego artificial, pero si ta prohibi pa:

- tira fuego artificial dentro di 250 meter di Iglesiasnan, ora cu tin servicionan religioso, y den cercania inmediato di Hospital San Pedro;
- tira vuurpijlo dentre di 250 meter di e rafineria di Lago, e Fabrica Quimica na Barcadera y e terrenonan di waf na Oranjestad. Bendementu di fuego artificial na publico ta permiti di dia 27 di december te cu dia 31 di december 1966.

Personanan cu tin intencion di bende fuego artificial tin cu percura pa obtene un permit necesario na tempo. Na e Departamento di Asuntonan General (afdeling Algemene Zaken) na Bestuurskantoor por haya formulario pa haci un peticion pa haya un tal permit.

Solamente riba dia 22 y 23 di december 1966, di 08.30 - 12'or y di 14'or - 16'or lo tin oportunidad pa saka fuego artificial for di e deposito di Gobierno na Wela.

Fuego artificial cu resta mester wordu entrega bek na e deposito di Gobierno menciona, promer cu dia 8 di januari 1967.



Antayera mainta minister president Dr. E. Jonckheer, acompaña pa Gezaghber interino señor van Hesteren a viaha pa Hulanda, via New York, Na Hulanda e alto funcionarionan lo tene deliberacionnan cu gobierno Hulandes riba asuntunan relaciona cu proyecionan pa Antillas. Durante ausencia di señor van Hesteren, señor W.G. de Haseth lo actua como Gezaghber interino di Corsow. Dr. Jonckheer lo keda Hulanda pa asisti na e casamentu di prinses Margret cu Mr. Pieter van Vollenhoven dia 10 di januari.



Dia Huebs mainta 10^{or} e edificio nobo di Tropical Bottling Co., riba L.G. Boulevard a habri su portanan pa e publico. Un cantidad grandi di publico a haci uso dje oportunidad pa mira interior dje edificio y sabora e delicioso refresconan di e fabrica aki. Riba e foto nos por mira e multitud grandi den e edificio scuchando e musica di "The Golden Treasures" cu a percura pa e musica.



Un gran cantidad di amigu y conocirnan a companja defunto Dr. Willy de la Fuente na su ultimo lugar di descanso Dia Huebs atardi u.p. De la Fuente a fallece Diahuebs mainta na San Pedro Hospital despues di un breve enfermedad.

AVISA DEN ARUBAANSE COURANT



HABRI WOW

Lector, Bó tin algo pa Bende, pa Huur, of Bó ta interesa na cumpira un of otro articulo? Pues awor Bó tin e oportunidad pa haci esaki, poniendo un anuncio chikito den e columnanan aki, cual sigur lo habri wowo di esnan interesa. Bó por ta sigur cu Bó oferta lo hanja bon acogida. Prijs pa anuncionan den e columna aki ta F. 2.50 pa e promer diez (10) palabranan of menos. Pa cada palabra extra, ta paga 20 cent. Anuncionan mester worde pagá adelantá: E columna aki ta sali tur diasabra.

Melise gevraagd:

Moed goed kunnen koken en strijken.

Tel. 1377
Nassastraat 60a.

TA BENDE

Boto di triplex 12 pia cu trailer y su bela.
Tambe un motor bjeuw di 7 1/2 h.p. pa f. 295.--.
Acudi na: Bung. 275,
Seroe Colorado, Tel. 9-3215.

TA BUSCA

Un mucha homber pa parti
Arubaanse Courant
Na Serbe Blanco-Paradera
y Melveld. E mester tin bicicleta. Jamá tel. 1116/2116.

WILLEMSTAD -Antajera noch a yega Corsow, procedente di Venezuela, Dr. Ramon Granadillos, di Linea Aeropostal Venezolana, quende awe mes lo regresa Venezuela.

Durante di un conversacion cu nos tabatin cune antajera den Hotel Curacao Intercontinental, el a declara na nos riba nos pregunta qu si talbes su bishita ta relaciona cu e posibilidad di qu su compania a ser acerca pa mantene e servicicionan interinsular despues di dia promer di januari. Dr. Granadillo a contesta qu eno sa absolutamente nada di esei.

Di acuerdo cu e informacion qu nos a obtene di dje, el a bini Corsow puramente pa un bishita particular, "un viahe di placer" y awe mainta mes a regresa Venezuela atrobe.

Puntra riba e posibilidad di qu su compania por accede na un posibel peticion al respecto, el a declara qu naturalmente nan lo studia un oferta asina y el a declara tambe qu actualmente LAV tin un flota di 32 avion.

Di parti di señor Luis Garrido, gerente di LAV aki na Corsow, nos a ser informa ora qu nos a hasiele e mesun pregunta qu "nan ta semper dispuesto na colabora den materia di servicio publico y pa loque sea.

The names and places didn't matter...



only when!



DE VEER THEATER
aire-acondioná
ta presenta: ..

"A RAGE TO LIVE"

cu Suzanne Pleshette
y Ben Gazzara como
Roger Bannon.

for di dia 17-20 Dec.

f. 2.-- 18 aña

OPENBAARMAKING

door de Kamer van Koophandel en Nijverheid op Aruba van de uitslag van de verkiezing van VLF leden van de Kamer van Koophandel en Nijverheid op Aruba, gehouden op den 14den December 1966: allen voor het Grootbedrijf.

ARENDS, Arturo Marcelo
BERLINSKI, Samuel Leo
HESE, Theodorus Bartholomeus
MARUGG, Isaac Oscar
WHITFIELD, Clinton Hathaway

Afschrift van het proces-verbaal van de zitting van de Verkiezingscommissie ligt ter Secretaris der Kamer voor een ieder ter inzage.

Aruba, 14 December 1966
De Voorzitter der Kamer
Clinton H. Whitfield.

CARIBBEAN MERCANTILE BANK N.V.

ta anuncia cu desde

1 JANUARI 1967

interes ariba spaarbank boeki ta worde aumentata te na

4% PA ANJA

Tambe interes basta interesante ariba deposito ta worde duna na suplica di cualquier. Tel. 3118.

MOSCU --UPI-- Un corresponsal di e agencia di noticia Tass na Hanoi, a informa ayera cu ora qu el a hasi un recorrido den e zonanan residencial cu a ser bombardea door di avionnan norteamericano y cu el a mirahopi mucha y muher morto, casnan destrui y personanan sin dak riba nan cabes.

E corresponsal aki, E. Kobelev, a declara ayera y diamars cu e bomnan a cai den e zonanan residencial di Hanoi, pa promer bishita for di dia qu guera a cumenza.

Den su informe di ayera, Kobelev a scribi:

"Varios bom a ser tira riba e barrio obrero di Phukta, na e banda drechi di Rio Rojo. E candela a destrui gran cantidad di cas y entre e victimanan tabatin hopi mucha. Hopi familia di trahador a keda sin cas.

Nan a tira seis bom y varios cohete riba un caya banda di e brug qu ta uni Hanoi cu e barrio Dhatay. Diezcinco cas a ser converti den ruina y entre e mortonan tabatin un mucha cu a caba di nace y un muher na estado.

Na Zuidooost di Hanoi cuater bom a cai riba un caserio cu dak di bambu.

Trinta y dos cas a pega candela y door di un burracu den dak di un cas nos por a mira un wieg kimf yen di burracu di bala.

"Na otro partinan di e ciudad tambe por mira yen di cas completamente destrui. Finalmente, durante di e ataquenan di ayera, un bombardero- caza F-105 di Merca a dispara un cohete contra e distrito diplomatico."

Kobelev no ta bisa si residencia nan diplomatico a ser alcanza. E corresponsal di Tass a termina su reportahe cu e siguiente comentario: "Ta un mentira grandi cu e agresornan ta bisa cu e pilotonan norteamericano ta solamente interesa den tira riba obhetivonan militar.

E hechonan ta demostra qu e bomnan norteamericano aki ta ser tira riba hende bieeuw, mucha y muhernan."

NAGOYA, Japon -- UPI -- Dies mucha di un Kindergarten a fallece y 22 otro persona a resulta herida ora qu un tuck carga cu santu a corre bai dal den nan. E truck a slip y a corre drenta den e fila di como 50 mucha qu tabata sperando pa crusa caya.

Pollisan a declara qu cuater di e victimanan chikitu ta den condicion grave.

PINOCCHIO
Kerkstraat 15,
Oranjestad.

Nos tin un grandioso variacion di juguetes di calidad, entre otro:

- Lessemar, bordchi, stiel pa mira television.
- Set di tñ, popchi, wagen na popchi, pafia pa popchi barbi.
- Machien di cose, set di toilet, set completo di combat, auto-jeep y avion di metal y plastic y hopi otro mas. Bishita nos y convence Bo mes!

E cas ta biniendo cla, y ta duna un bunita bista.....



gracias na e staf di techniconan cu ta duna bo tur informacion pa planea bo cas, renovacion of reconstruccion na un prijs masha razonable.
PETRONA & CROES
(ARUBA) N.V.



Rey De Copas
TA REGALA:
Fls. 200.--

na su participantesnan diconcurso cual ta hunga dia 19 di December 1966.

Cuanto placa tin den e vitrina di Aruba Distilling Co., na Wilhelminastraat No. 51?

REGLANAN PA PARTICIPA.

1) Pa cada botter bashi di Rey de Copas di mel Galon bo ta. recibi 4 tickets, pa cada botter di 12/1 bo ta recibidos tickets, pa cada botter di 24/2 bo ta recibi un ticket y pa cada dos botter di 498/4 bo ta recibi un ticket.

2) Entrega e formulario aki jena na oficina di Aruba Distilling Co., Wilhelminastraat No. 51.

3) E mes persona por jena cuanto formulario cu e ta desea, contal cu e entrega pa cada formulario e cantidad di botter bashi requerido.

4) Si tin mas cu un beneficiado e premio ta ser parti den esnan cu tine pregunta correcto.

CA-SI-NO por ta

PERO CASINO TA HACIE

**UN BUNITA RADIO
TRANSISTOR "STANDARD"
DEN SU ESTUCHE CU SU
"EAR PHONE"**

di 6 Transistor y un
Tuning Range di 540 - 1600 kc



**Pa solamente 700 paki bashi
di Casino of fls. 5.-- mas 400
paki bashi di Casino**



CAMBIA AWOR PA E UNICO SIGARIA CU CHARCOAL FILTER

CU TA SER TRAHA NA ANTILLAS.

DESPUES DI TENDE DI E OFERTA AKI

**TUR HENDE CU TINO
TA HUMA CASINO!**

CEMPRO N.V.
LLOYD G. SMITH BOULEVARD

OFERTA ESPECIAL

Nos ta ofrece PLAACHI DI ASBES1-CEMENT, color shinishi, na un prijs especial, gracias na un compra favorabel cu nos a haci.

Nan ta di excelente calidad, obtenibel directamente di nos stock, na cualquier cantidad.

Puntra pa prijs! TELEFOON 2444 - 2861

E oferta aki ta solamente valido te dia 31 di December y tantem cu nos tin na stock.

LONDRES -- E britanico Bill Bennett a haña un solucion pa combati e escasez di alohamento na capital di Mexico durante di e weganan Olimpico di 1968. Den un carta pa e revista "At-

letics Weekly" el a scribi: "Ami no ta mira e problema pa-sobra tin solamente 38,000 cama disponibel pa 100,000 persona na Mexico, dia qu e weganan tuma

lugar".

"Di con tres hende no por drumi riba cada cama?" E revista no a pone comentario bao di e carta di Bennett.

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di

FRIESCHE VLAG

lechi evaporado y lechi en polvo.

MAXWELL HOUSE KOFFIE




DICK TRACY

presenta pa cortesia di:


VICTORIA BOTTLING

PEPSI COLA-SEVENUP-GRAPETTE-KIST--

VICTORIA SODA WATER--BUFFALO ROCK--GINGER ALE



PEPITA



HERENCIA

Pero bo no ta haya fastioso pa prepara cuminda bo so, mi jiu. Den su mes Ana Maria ta cuminda hari. Awor ta muestra cu e ta mas bon-bini como suegra venidero cu simplemente un subrina!

"Claro cu no, Baytrankil numa". Ana Maria ta cuminda laba e tayanon sushi. Te ainda e no a realice completamente bon, cu el a priminti di casa cu Gerrit. E mes no sa pakiko el a haci esey.

Kizas djies pasobra tur den casta desea esey asina tanto. E mes ta sintie asina indiferente, cu no ta porté nada. Si e no por haya Gil, kende e ta stima masha tanto, e ta hacibon di casa cu Gerrit mes. E ta sigur cu toch nunca mas e por stima un otrohombre cu Gil. Y nunca lo e tuma e molester pa lubide. Y pakiko? Su amor pe ta asina completo, asina natural, cu nunca mas e por dispare, of mengua. Despues cu e ta cia di laba, tayo, e ta subi bay ariba, pa mira con ta cu tanta Lies.

E ta yega hayé bisti caba para dilanti e bentana. "Pero tanta, esta maravilloso!", "Si, mi jiu, ni kler a purba mira con mi por hacie. For di aye- ra mi ta sintimi hopi bon caba.

Akinan mi ta para net den esolo. Pa december mi ta haya e tempo di awe masha bunita mes".

"Bin cu mi den mi kamber, tanta Lies. Eynan mi tin un bentana grandi cu bo por para mihor den e solo".

Ana Maria ta coy su man tene y ta cana bay cu ne den su kamber. E ta pone Lies sinti comodamente den un stoel dilanti e bentana. "Mi ta bay traha koffie un rato, y nos lo bebe juntu aki riba. Pero no lanta bay bek den bo kamber, okay?" "No, aki mi ta sinti masha dushi mes." Senjorita Berg ta leun satisfecho patras den su stoel. Su trabao a yega na su fin, el a haci sudeber. Mayan of otro mayan lo e pidi Ana Maria pa jama Fanny y pa pidié saca su cama pafor y manda un taxi buske. Fanny por bin den e taxi tambe, casi sigur e lo bay gusta un poco keirumento. Cada biah cu el a bin Berghouse, e tabata muestra asina emocionales mescos cu un mucha di school. E mes por paga e biah di Fanny ya cu el a spaar su placa di cuminda. George lo yude subi ariba. Y ora cu e yega su cas bek, lo e trata mas trankil posibel. E cu Fanny lo tin hopi cos di papia cu otro. Awor cu el a lanta y sinti su sanger circula

mas violente den su curpa e ta sintié hopi mas mihor. Lo e recorda e dushi tempo cu el a pasa na Berghouse pa semper. Si, el a pasa varios siman masha bon mes, maske cu tur e tempo ey su consenshi no a lague na pas. El a haci malo, masha malo mes, pero e tentacion tabata mucho grandi. Y awor cu Ana Maria y Gerrit ta bay casa, e ta sintie mas trankil.

Cu un sonrisa riba su cara, e ta sinti den su stoel dilanti e bentana. Ana Maria ta cia cu e koffie y ta bay busca un teebloodchi den e comedor. Ora el a jega ayaden, e ta tende Barn ta grunja. Masha poco Barn sa grunja, ta kiko lo a pasé? Ana Maria ta dreñta den e coredor, pero e no ta mira ningun hende. Den esey e ta corda cu el a pone lechi herbe y ta corre bay bek den cushina. Pero el a jega laat, pasobra ya e lechi a plama den e stoof. Mesora Ana Maria ta cuminda limpié. E ta habri e kraanchi pa coy awa, pero na e mesun momento e ta tende un stem di hende hombre. Atrobe Barn ta cuminda grunja mas duro e biah aki. Ana Maria ta corre bay den e coredor atrobe. Gerrit ta para riba e trapi. E tin Barn teni na su cadena y ta purba hisé ariba.

Como cu e cachor ta resisti asina violente, casi

Gerrit a perde balanza. Ana Maria ta keda para keto, e no ta comprende e situacion. Dos ora prome Gerrit a sali bay ciudad cu su omo? E no ta gusta Barn, y e kler demostra esey? Pero pakiko e ta hibé ariba awor? Net e kler a grita Gerrit algo, ora el a ripara e impresion riba su cara. Spanta e ta hala atras y ta keda pará contra e porta. Su boca tin un impresion malicioso riba dje. Ta parce cu awor numa e ta mira con Gerrit ta en realidad. Miedo y rabia ta dreñando su curpa, pa ehombre cu e ta bay casa cuné. E ta bay mata Barn?

Pero pakiko e ta lastre hibé ariba? Ana Maria ta cuminda tembla di miedo y e ta sinti cu su lenga ta plak contra su cielo di boca. Despues e ta mira Gerrit habri e porta di e kamber di Lies y ta dal Barn un skop pushé aden. Gritando di dolor e cacho ta corre dreñta den e kamber, grunjando cu su djentenan grandi. Prome cu Ana Maria a realisa kiko e ta haciendo el a corre subi e trapi.

"Gerrit, Gerrit, stop! Barn hala dje Barn" Tene cuidao Gerrit! Gerrit ta bira waak Ana Maria. "Unda e ta? Unda e bjeuw ta? Pakiko e no ta den su kamber? Unda bo a hibé?", e ta grita. Su cara ta yen di odio y desilusion. E ta pasa su lenga riba su boca seco y ta keda miré desesperá. "Bo kler a maté no? Pa malo bo kler a spanté, djies

BOTICA

Nachtdienst: Oranjestad Botica
Oduber Tel: 1780, San Nicolas:
Botica San Lucas Tel: 5119.



EL REY
DEL TRAGO

Tin un

SORPRESA
Pa su consumidorman

MIRA BAO DI E
TAPA DI CADA
BOTTER

RON REY
DE COPAS

Pa mas informacion:

Aruba Distilling Co.

ABONA

ARUBAANSE

COURANT

YAMA TEL. 2116

pa e muri, Bo sa masha bon, cu e tin miedo di cacho grandi. Gerrit!" E no por sigui papia, pasobra su stem a bay. El a keda desagradablemente sorpresa di su descubrimiento. Su curpa ta bira cuerd di miedo, awor cu el a mira con danj Gerrit ta. "E no ta aki mas. El a bay su cas bek.", Ana Maria ta bisé. "Hala un banda," Gerrit ta grité.

E ta pushé un banda y ta cuminda baha e trapi manera un hombre burachi. Ana Maria ta tendé e porta sera. Poco poco e ta cana bay na e bentana y ta loer pafor. E ta miré ta cana bay na su auto. Te ainda e tin Barn teni, despues e ta cay abao bandi dje. Henter su curpa ta cuminda tembla. E ta pone su cabes riba su rudianan y ta purba domina su mes un poco. Despues e ta lant sinti mihor. Barn ta keda miré cu un mirada strango. Ana Maria ta cohé braza y ta cuminda jora. "Barn," e ta bisa jorando. "Barn," E ta keda un rato asina, jorando di tanto miseria. De ves en cuando Barn tamba ta dal un jorá chikitu, manera cu e ta comprende cu Ana Maria tin tristeza. Direpente su sinti ta bay riba Lies. Ta kiko esey lo pensa di tur e desorden? Ana Maria ta corre sali bay den su kamber. Cu cuidao e tin habri e porta. E ta hanje na sonjo den su stoel. Aliviá Ana Maria ta bolta sali y e ta sera e porta.

(E TA SIGUI)